

Rapport dalla sessiun dil cussegl da vischunaunca dils 01-05-2023

Tractanda 1

Approbaziun dil protocol dalla sessiun dils 27-03-2023

Il protocol dalla sessiun dils 27 da mars 2023 vegn approbaus cun engraziament.

Tractanda 2

Quen communal 2022

- a) Orientaziun e discussiun
- b) Rapport dalla cumissiun da gestiun
- c) Approbaziun da quen e bilanza

Il president communal Dumeni Tomaschett presenta ils puncts impurtants dil quen communal digl onn 2022 sco suonda:

Il quen da gudogn e sperdita siara cun in surpli d'entradas da frs. 957'859.-. Il gudogn avon amortisaziuns (cashflow) mutta à frs. 1'461'560.-. Igl ei vegniu investau net frs. 808'146.-. Quei mutta che nus havein saviu cuvierer las investiziuns digl onn 2022 cumpleinamein entras agens mieds. Vinavon ha la vischunaunca giu a disposiziun frs. 653'414.- per bagheggiar giu devets. Cun la fin digl onn 2022 ha la vischunaunca da Trun in deivet net da frs. 1'685'474.-.

Per la presentaziun dil quen vegn surdau il plaid alla canzlista communalala.

Il quen d'investiziuns siara cun expensas totalas da 2'408'748 milliuns francs ed entradas totalas da 1'600'602 milliuns francs.

Las grondas posiziuns secloman:

• Via Sogn Martin	frs. 864'058.05
• Sanaziun canalisaziun (via Sogn Martin)	frs. 144'178.50
• Via Munt	frs. 900'050.65
• Via Nadels – Via Rost	frs. 384'871.80

Il president dalla cumissiun da gestiun Marcus Alig rapporta davart la laver dalla cumissiun.

La cumissiun da gestiun ed il biro da revisiun recamondan l'approbaziun dil quen cun engraziar e dar scarica als funcziunaris responsabels ed als collaboraturs dall'administraziun.

Cun 12 : 0 vuschs approbescha il cusegl da vischunaunca il quen communal digl onn 2022 tenor la proposta dalla cumissiun da gestiun cun resalva dil referendum facultativ.

Tractanda 3

Damonda per in credit da frs. 240'000.- per la sanaziun dil provediment d'aua Schlans

Il provediment d'aua Schlans ei in implot public che vegn mantenius ed administraus entras la vischunaunca. Igl implot ei vegnius construius avon ca. 50 onns entras l'antierura vischunaunca da Schlans e colligia edifezis ed indrezs (reit da hidrants) enteifer il territori da Schlans. La davosa inspecziun periodica dils 20 d'avrel 2020 digl uffeci per la segirtad da victualias e per la sanedad d'animals dil Grischun ei vegnida documentada cun entginas munconzas. Sper las lavurs che han saviu vegnir liquidadas immediatamein entras la gruppa da vischunaunca ha la suprastonza communalala decidiu da schar elaborar in project. Sin cusegl

digl inschignier incaricau ei supplementarmein vegniu inspizau cun cameras ils bischels dallas tschaffadas dallas fontaunas. Igl ei semussau ch'ei drova in project per remplazzar ils butschins da fontauna, sanar las tschaffadas e remplazzar las lingias d'aua. Ils cuosts ein vegni calculai sin frs. 240'000.-.

Il cussegl da vischnaunca conceda cun 12 : 0 vuschs il credit da frs. 240'000.- per la sanaziun dil provediment d'aua Schlans. La decisiu vegn puttamesta al referendum facultativ (art. 19 al. b constituziun communal).

Tractanda 4

Pusseivladad da tschentar damondas

Dalla pusseivladad da tschentar damondas vegn fatg diever.

Per il cussegl da vischnaunca

La presidenta
Flurina Bundi

Per la suprastanza communal

Il president
Dumeni Tomaschett